



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 23. De renuntiatione beneficiorum,

[urn:nbn:de:hbz:466:1-78477](#)

nem beneficij. Nam aliae sunt quæ eam imponunt, non in poenam criminis, sed tantum ob factum Clerici, vel euenum, vel conditionem tacitam non impletam, sub qua fuit eidem Clerico collatum beneficium: adeo ut leges huiusmodi censeantur potius conuentionales, quam penales. Quo fit, ut ea in foro conscientia inducant obligationem statim dimittendi beneficium. Sic ille qui matrimonium contrahit, aut qui professionem facit in religione approbat, aut qui accepto Parochiali beneficio non promouet intra annum ad presbyteratum, nullatenus potest beneficium retinere.

Aliæ autem leges sunt quæ vere, & propriè penales, beneficiorum priuationem imponunt in penam criminis commissi; haec iuxta Sotii, & aliorum sententiarum quos secuti sumus loco antememorato, non obligant Clericis in foro conscientia, ad beneficium statim dimittendum: quia cum ipse vere, ac proprie habuerit ius acquisitionis in beneficio: non debet in foro conscientia, contra seipsum tam grauem penam exequi, sed potest expectare sententiam Iudicis. Neque obstant verba legis: Sit ipso iure priuatus, vel vacet beneficium: quia tantum significant esse alii ius beneficium impetradi eo ipso, quod beneficiarius fuerit in iudicio declaratus reus illius criminis: ita ut opus non sit aliqua alia sententia, qua is condemnetur priuatione beneficij; sicut est opus, cum lex non priuat, sed præcipit priuandum.

Quod tamen non procedit, cum in lege adiicitur: Sit ipso iure priuatus beneficium, absque vla declaratione, vel ministerio Iudicis. Aut, priuatum esse ipso iure beneficium, praesens decreti vigore declarans. Aut ipso iure priuamus, ita ut in foro conscientia beneficium dimittere teneatur. Nam tales particulae auditæ inducent in foro conscientia priuationem beneficij, ante omnem declarationem criminis: quia Ecclesia sub ea conditione Clerico beneficium contulerit, vt si tale crimen patraretur, debeat statim illud relinquare. Vnde possumus argumentum sumere; quod cum tales particulae non addantur frustra, sed habeant eum effectum quem diximus: dum non adduntur in lege; indicari quod ea non imponat obligationem in conscientia dimittendi statim beneficia: sed ita, ut possit expectari Iudicis sententia declaratoria criminis. Id quod locum habere, etiam quando crimen notorium est ex evidencia facta, *opus libro 1. De iust. & iure, questio 6. art. 6. in fine tertia conclusionis, satis probabiliter tenet contra Panormit. ad caput.* Cum non ab homine, *De iudicij. Ratio est.* quia evidencia facta non succedit loco sententiae Iudicis sed loco accusationis, iuxta cap. *Evidentia De accusat. iuncta glossa finali.*

326. Tertius effectus vacationis est, ut ipso iure, vel ipso facto priuatus beneficium non faciat fructus suos. Qui quidem cum aliqua restrictione intelligendus est quoad vacationem ob crimen. Nam ante utam sententiam declaratoriam eiusdem criminis, talis vacation non obstat quin beneficiarius possit fructus beneficij percipere iuxta tradita à nobis in expositione primæ difficultatis addite à nobis ad supra memoratam quæstio, tertiam. Post ciuitati vero sententiam nequit illos percipere: ita ut perceptos restituere teneatur, tanquam alienos, cum & titulo & administratione beneficij priuatus sit. Qua etiam de causa id ipsum beneficium nequit ab ipso tunc resignari alteri, aut permitti cum alio beneficio.

CAP. XXIII.

De renunciatione beneficiorum.

S V M M A R I V M .

327. Renunciationis beneficij varia genera.

328. Renunciare potest quis beneficium, non tantum per seipsum, sed etiam per procuratorem: & tres casus in quibus, tenetur renunciare.

329. Obligatio iuri naturæ relinquendi beneficium, & restituendi fructus ex eo perceptos.

330. Due regulæ Cancellaria in renunciatione observanda.

331. Conditio renunciacionis ut fiat auctoritate Superioris.

332. Conditiones, ut scienter, & ut sponte fiat.

323. Difficultas, An irrita sit renunciatio facta metu.
324. Alia, An facta a minore 25. annis: aut facta in seruore morbi acuti.
325. Reliquæ conditions requisite ad validitatem renunciacionis.
326. Per renunciationem valide factam beneficium vacat.
327. Modi quibus dari ur egressu ad illud.
328. Quando renunciatio possit aut non possit fieri propriæ autoritatis.
329. Renunciatio est aut tacita quæ duplicitate contingit: aut expressa, quæ distinguuntur in puram & conditionatam.
330. Conditionatae quatuor species: & quod tres prima possint tantum coram Papa fieri.
331. Quod quarta possit fieri coram Ordinario.

I^m. Decretalibus tam Gregorij, quam Bonifacij, & in Clementinis, est titulus De renunciatione: quæ varia habet nomina. Aliquando enim vocatur cesso, aliquando renuntiatio, aliquando simplex renunciatio; & aliquando regresus: cum aliqua tamen differentia. Nam cesso propriè est, quando renuncians nondum haberet possessionem beneficij, sed tantum ius ad illud. Resignatio vero, quando aliquis ius suum renunciat in favorem alii cuius, quem nominat in ipsa renunciatione. Simplex autem renunciatio, quando nemini nominat. Regressus denique, quando aliquis ita renunciatur, ut post mortem illius cui fit resignationem, beneficium reverteretur ad resignationem. Considerabimus autem primo renunciantem, secundo, modum renunciationis, tertio, effectum eiusdem, quarto, varias illius species.

De renunciatione.

SECTIO I.

Circa renunciantem obseruandum est, quod beneficiarius possit beneficium suo, tanquam rei ad se spectantem renunciare vel scripto vel verbō: id est per seipsum vel per procuratorem renunciare, possit reuocare eam renunciationem, quamdiu res est integra, hoc est, quamdiu non accedit approbatio Superioris: quantumcumque ipse renuncians multa interefaciat, quæ facere solet is qui plene renunciavit, argumento cap. *Lætæ De renunciatione.* Verumtamen is qui renunciationem reuocat, curare debet ut suus Procurator, vel Superior talem reuocationem intelligat antequam beneficium alteri conferatur: alioqui enim reuocatio non habebit locum, ex Clementina vñica, *De renunciatione.*

Aduerte vero ex cap. *Quidem, De renunciatione:* beneficiariorum qui petiūt & impetravit a Superiori facultatem renunciandi suo beneficium, si postea mutet sententiam, cogi nihilominus renunciare. Præter quem casum dantur duo alii, in quibus beneficiarius tenetur beneficium suo renunciare, illudve relinquare. Prior est, quando committit peccatum, quod sic ius punit priuatione beneficij, ut exprimat obligari in conscientia illud relinquare. Exemplum habetur in eo, quod Concilium Trident. *sess. 24. cap. 18. versu. Caveantur Dero m.* statutum de ijs qui examinant Parochos iuxta eundem Concilii decretum: si aliquid recipianturatione eiusdem examinis: tam eos ipsos qui accipiunt, quam illos qui dant, perdere omnia sua beneficia, nec posse absolu, nisi ea dimittant. Posterior casus est, quando pena Ecclesiastica debetur etiam iure naturali. Ad illud enim quod est de iure naturali, quisq; in conscientia statim tenetur.

Vbi aduerte, quo omnis obligatio iurius naturæ ad relinquendum beneficium, vel restituendum fructus perceptos, nascatur ex eo quod beneficiarius omittat officium, propter quod datur beneficium. Inde enim sequitur rectæ rationi aduersari, ut beneficium retinet, vel fructus eius capiat, qui non potest, aut non vult officium propter quod ipsum datur, exercere.

Id quod potest tribus modis contingere. Primus est, quādo beneficiarius habet essentialē impedimentum: ut si duixerit vxorem, vel professionem fecerit in religione approbata. Item si nolit suscipere Ordines, vel acquirere scientiam, quam tale beneficium requirit. Itemque, *iuxta cap. Nisi, De renunciatione;* ob scandalum, aut malitiam populi, ineptus esse datus

effetus sit ad eiusmodi officium exequendum. In quibus tribus casibus ille tenetur vel relinquere beneficium vel removere impedimentum si potest, vt potest in caso secundo. Ita tertio caso vero, beneficium resignando alteri, referuare sibi pensionem auctoritate Superioris interposta, iuxta cap. Ad supplicationem, De renunciatione, & receptam consuetudinem.

Secundus modus est, quando beneficiarius habet impedimentum officij tantum accidentale, hoc est, quo durante potest quidem facere officium, sed peccabit faciendo: vt cum est censura Ecclesiastica irretitus. In eo caso enim, si resipiscere vel, ac relinquere peccatum: potest quidem interea dum quantum potest liberationem à tali impedimento procurat, fructus beneficij sui percipere: sed si non fit spes quod eam obtinere possit, tenetur alteri digno, cui voluerit, beneficium ipsum resignare: quandoquidem nequit bona conscientia illud retinere, cum peccet sive faciens officium, impeditus censor, sive non faciens, iniuste percipiendo fructus qui officium dantur.

Tertius modus est, quando beneficiarius nullum quidem impedimentum habet; sed non vult officium ipsum facere: nam tunc vel debet se emendare, vel beneficium resignare alteri: ac pro rata temporis quo eam primam voluntatem retinendo, officium omisit: perceptos fructus restituere: atque damna, si quae Ecclesia intulerit, resarcire.

SUPEREST modo, secundum quad renunciante, duas regulas Cancellariae obseruandas esse in renunciatione. Prior est, quae dicitur de infirmis resignantibus. Posterior vero, quae dicitur de publicandis resignationibus. Illa habet, vt si infirmus ex gravi infirmitate resignauerit beneficium suum in fauorem aliecius, vel alias: & post resignationem, etiam admissam, mortuus fuerit ex ea infirmitate intra 20. dies, à die consensus præstiti resignationi computandos, resignatio nulla sit: censeturque vacare beneficium, non per resignationem, sed per obitum beneficiarij. Hæc vero habet, vt resignatio admissa in curia Romana, publicetur seu manifesta fiat in loco beneficij intra sex menses, computandos à die confessus præstiti resignationi. Si resignationem coram Ordinario, vt publicetur intra sex menses à tempore collationis: alioqui si resignans moriatur in possessione beneficij nulla publicatione facta intra sex menses, vel intra sex menses, vt prædictum est, censetur beneficium vacare per mortem resignantis quidem, sed mortui in possessione: non autem per resignationem; ita ut resignatarius qui prouisus est, nullo ex resignatione titulo vti possit. Quæ regulæ sunt instituta ad fraudes evitandas. Earum plenam explanationem ex Gomeio petere poterit qui volet, eam percurrente plurim questionum tractatione.

De modo renunciationis.

SECTIO II.

AD modum obseruandum in renunciatione sex conditiones sunt necessariae. Prima est, vt renunciatio fiat cum facultate Superioris: Sic enim Episcopus, etiam non consecratus, dummodo sit confirmatus, renunciare non potest Episcopatu sine facultate Papæ, ex cap. t. 2. De translatione Episcopi. Nec item Praelatus exemptus potest renunciare sua prælaturæ, sine eadem Papæ facultate, ex cap. fin. De renunciatione. Qui vero sublunt Episcopo, non possunt sine facultate ipsius beneficij suo renunciare ex cap. Admonet, De renunciatione. Et scerito: quia Episcopu pinter est scire beneficij vacationem, vt possit illud conferre intra sex menses, ei ad conferendum constitutos, in cap. t. 2. De confessione præbendæ. Imo ex glossa ad Clementinam unicam, De renunciatione, verbo, Manibus: quādo beneficium datur per electionem, nominationem, vel præsentationem, debet etiam adesse facultas diligentium, nominantis, vel præsentantis.

Renunciatio autem facta absque facultate, inutila est respectu Superioris: hoc est, Superior non obstante ea renunciatione, potest beneficium renuocare ad beneficium renunciatum, ex capitulo. Non oportet, 7. quæstio. 1. An vero sit etiam inutila respectu renunciantis, hoc est, An renunciatio facta absque facultate, inutila est?

Valery Par. III. Tom. 3.

cians perdat ipsa facta titulum, si renunciaret sine facultate, dubium est: quod Couarr. tractat in libr. I. Variarum resolut. cap. 5. numer. sexto: ac partem negantem pluribus in eam citatis sequitur. Et merito, quia in capit. finali, De renunciatione, expresse habetur de exemptis, quod si renuncient absque auctoritate Papæ, renunciatio non valeat: & in capit. Quod in dubijs, eodem titulo, habetur generaliter de ceteris, quod si resignent in manibus laici, atque adeo superioris incompetenter, priuandi sive beneficio. Vnde sequitur nō esse priuatos ipso facto: & hinc rursus, eam renunciationem esse inutilam, & ex qua beneficium non vacet, nec amittatur.

Secunda conditio est, vt renunciatio fiat scienter. Nam nemo renunciat ei, quod ignorat, ff. De inofficio testamento, lege Mater. Vnde si vel termini iuris sint ignoti, vel alij procedendi modi sint obscuri, ij debent renunciari significari, ac declarari alioquin per tales obscuritates decipiēs ipsum, tenetur ad restitutionem. Vide Sylu. in verbo, Renunciatio, qu. 6.

Tertia conditio est, vt renunciatio fiat sponte, & propria voluntate. Hinc enim irrita est renunciatio quæ a beneficiario furoso fit extra tempus, quo est mentis compos: argumento cap. Quamvis, 7. quæst. 1. cum tunc non habeat libertatem voluntaria resignandi, vi potest qui non est talis voluntatis participes, ex cap. Si quis instans, 15. quæstio. 1. & Clem. 1. Si furosum, Dchomicidio. Irrita etiam est quæst. dolo: ex cap. Lectione, De renunciatione: vel vi, ex Clementina 2. De poenis. Vide Rebuffum in praxi beneficiorum par. 3. tit. De causis renunciationis irritantibus.

An autem irrita quoque sit metu facta, dubiat: nam irritam esse cum Rotæ decis. 20. in antiquis, & quibusdam alijs Rebus ibidem in resignatione metu exhorta, putat ipso iure irritam esse, sicut & electionem metu factam, aut matrimonium metu contractum. Corasius vero in sua paraphras, in materiam Sacerdotiorum, par. 1. cap. 8. numer. 11. putat nō esse irritam ipso iure, sed rescindendam esse officio Iudicis: ad quod facit textus in capit. Abbas, Deijs, quæ vi, unita glossa ad verbum Coactus. Et ita tenuit Rota decisione 374. in nouis. Ac confirmatur: quia ex communione Theologorum, quam Iurisperito sententia, metus non ita tollit absolute voluntarium, vt facta metu, censentur in utilitate facta. Quod si facta, conventiones, contractusq; aliqui metu facti, iure ipso sint nulli; id propterea fit, quod de illis esse nullos, sit constitutum, vt & de nonnullis, salijs enumeratis in memorata glossa.

Quia igitur iniquam in iure exprimitur, vt resignatio metu facta, sit nulla ipso iure: videatur vnius dicendum, Iudicis tantum officio esse rescindendam iuxta statutum capit. Abbas, & duo sequentia. Nihil referre vero sive beneficiario, sive persona eius sanguine proxime coniuncta, talis metus inducatur, argumento cap. Sciant, De elect. in 6. siue etiam quocunque alio modo; excepto casu, quem iam ante ex Clem. 2. De poenis att. gimus: si clericus per sui captionem, & incarcerationem cogatur beneficio suo renunciare: quia tunc renunciatio est inutila.

Dubitatur quoque, An si minor 15. annis renunciauerit beneficium, valcat renunciatio. De quo disputat glossa, ad cap. Exp. 1. verbo, Quamvis minor, Derefectut, spoliatorum. Atque partem affirmantem tenet Sylvestris verbo Minor, in fine: quia minores in beneficialibus, & alijs causis spiritualibus habentur pro maioribus, ex capit. finali, De iudicis, in 6. Contra ruuias vero partem negantem sequitur, in lib. I. Variarum resolutionum, cap. 5. num. 3. & melius: quia quod beneficiarius minor censetur maior 25. annis, privilegium est, quod retroqueri non debet in dispendium illius in cuius fauorem datur, ex regula 61. iuris in sexto. Quanquam si talis in tricenniali non petat suam restitutionem, nec silentem protestetur de impedimento etatis, illam postea non impenetrabit propter triennalem præscriptionem, de qua egimus in præced. cap. 18. Adde his ex def. & p. posita tertia conditionis, censeri inutilidam renunciationem factam in furore, & incendio morbi acuti; vt in phrenesi, iuxta capit. Gonsaldus, 17. quæst. 2.

Quarta conditio est, vt renunciatio fiat gratis, id est, nullo interueniente pretio, vel præmio, quo pecunia, vel res

332.

333.

334.

335.

qua si pecunia estimabilis, detur: alioqui enim esset renunciatio simoniacæ. Quinta conditio, vt non interueniat fraus. Nam si fraude renunciatio extorqueatur ab eo qui renunciatur, illa est iniqua, ex 15. quæstio. 6. cap. 1. v. g. si quis dicat beneficiario; quod ipsius pater petat literas renunciationis, vt ei conferatur aliud beneficium. Similiter si renuncians decipiatur illum cui recunciatur: vt v. g. si ille expectet beneficium pinguis, quod huic dandum erat, nisi facta esset talis resignatio: eo enim casu renuncians amittit utrumque beneficium, id est tam illud cui renunciavit, quam illud quod ob illam fraudulentam resignationem acquisuit, ex capit. 2. De renuncianti, in sexto. Postrema conditio est, vt beneficiarius renunciaret apertis verbis. Quare si tantum dicat alteri, quod submittat se ipsius misericordia, vel gratia, aut benevolentia, non censetur facta renunciatio, ex cap. Sane, & cap. Veniens De renunciatione.

De effectu renunciationis.

S E C T I O N I I I .

Effectus renunciationis in eo consistit, vt cum valide facta fuerit, beneficium vacare censeatur, nec renuncias possit vi prioris tituli, & absq; noua collatione illud redire, ex cap. Ex transmissa, ex cap. Super hoc De renunciatione, & ex cap. 3. & 4. Derestitut. spoliatorum. Nec item capere possit fructus eiusdem beneficij resignati: ne quidem ex donatione illius, cui facta est resignatio: si enim id fecerit, tam ipse, quam ille cui resignauit, sunt excommunicati ex communicatione reservata Papæ in Conc. Trid. sess. 22. cap. vlt. De reform. Vbi & additur, utrumq; priuari omnibus beneficijs, que ipsi tunc habent.

Porro iuxta cap. secundum De renunciat. ille qui beneficio renunciatur, po est ad illud deponi eligi: danturque tres casus in quibus ipse potest sine noua electione, aut collatione redire ad beneficium resignatum. Primus est, quando resignauit, vt haberet aliud beneficium, quod postea intellexit collatum est à Summo Pontifice. Tunc enim statim rediens ad suum beneficium, recuperat illud: alioqui utrumque perdit, ex cap. Si beneficia, De præbendis, in 6. Secundus est, quando aliquis resignat beneficium, vt permettet illud cum beneficio alterius. Nam si per mutationem non habeat postea locum, potest redire ad beneficium suum, ex cap. Cum universorum, De rerum permutatione, & ex Clem. vnica eodem titulo. In oī permutatione talis conditio expresse ponit, aut saltem subintelligi solet. Tertiū casus est quando aliquis resignat beneficium aliqui quem remittat, & non alias, nec alio modo: tunc enim si illi nominatur beneficium non conferatur, resignans reddit ad illud. Pro qd facit ratio: quia quando conditio apponitur, contractus non valet nisi conditione impletatur, ex cap. 3. & 4. De conditionibus appositiis. Talis vero conditio prout exponetur in sequenti sect. nisi interueniat consensus Papæ, efficit renunciationem simoniacam. Quia de revidendas est Navarras in Euchr. cap. 23. num. 107. resu, Ad decimum.

Nota autem in tribus predictis casibus, si beneficium resignatum nondum sit alteri collatum, eum qui renunciatur posse propria autoritate ad illud redire, ex Syl. Permutatio 2. quæst. vlt. conclus. Quamquam vt videntur lites in foro exteriori, melius est ita facere auctoritate Episcopi: præseruit cum inter Doctores non satis constet, an tunc sit opus noua collatione, sicut opus esse constat quando post renunciationem, collatum est alteri beneficium. Nota præterea renunciantem beneficio non posse ad illud absq; noua collatione redire, intelligentem esse cum renunciatio fuerit vere facta: non autem cum tantummodo facta fuerit procuratio ad resignandu. Nam quia non beneficium vacet per renunciationem, non vacat tamen per procurationem ad resignandum; quia sic reuocari potest, vt resignatio non teneat facta post reuocationem, quia venerit in notitiam procuratoris, ex Clem. vnica, De renunciatione. Quamquam in renunciatione ex causa permutationis, cum tractatus ea renunciatione ex causa permutationis, cum tractatus ea ratione sit à compromittentibus, vt in eo utrumq; Procuratores constituentur ad renunciandum, & acceptantur: non potest alter ex contrariantibus Procuratorem suum reuocare, altero non consentiente; quia ibi constitutio Procuratoris

parts est contractus, quem reuocatio infringere nequit, non interueniente consensu alterius contrahentis.

De diversis speciebus renunciat. is.

S E C T I O N I V .

Renunciatio quædam est tacita, & quædam expressa. Tacta duplicitate contingit: uno modo ex actu per quem priuatio beneficij inducitur iure ipso: vt per contractum matrimonij, per adoptionem secundi beneficij, quo tenebit potest cum primo; & sic de alijs, quos propositum in precedentibus cap. sectione 2. Altero modo ex presumptuolitate, quâ quis renunciasset censetur, cum literas aliave instrumenta sua collationis resignauit in manus Superioris, prout in cap. Cum pridem, De cœl. adiunctaque inditia voluntatis, ex quibus coniiciatur mens renunciandi. Neq; enim sola datum instrumentorum facit urgentissimam iuris presumptiōnem de tacta voluntate renunciandi: cum non sit verosimile, cum qui multis forte expensis, & laboribus obtinuit beneficium, voluisse tam facile illud relinquere: ex cap. Super hoc, De renunciatione.

Expressa autem renunciatio contingit, quando quis per leuit per procuratorem dato mandato, cœnatur ius beneficij per verba significativa, manifesta, aperte & sponte prolat. Duplexq; est potest, vel pura, & simplex, vel conditionata, seu modificta. Pura est, que si sine villa & conditione, aut pacto. Cui de iure authoritatem pregebere potest ille Superior ad quæ pertinet beneficij collatio: ex glossa ad Clement. vnicam De renunciatione, verbo Manibus. Qui quidem non nunquam est solus Papa, non nunquam Epis. opus, non nunquam etiam Episcopo inferior, prout habitat est in precedentibus cap. 17. sectione 1.

Conditionata vero, seu modificta renunciatio est, quæ sit cum conditione, & pacto. Et quadruplicis speciei esse potest: nam quædam sit in favo rem certa persona, & non alias, nec alio modo. Quædam vero sit cum referentia pensionis constituta in beneficij resignato, vel in persona acceptante reservatione, iuxta cap. 2. Nisi essent, De præbendis in fine. Quædam tertio sit cum regressu; & quædam deniq; ex causa permutationis, non alias.

De prima specie notandum est, eiusmodi resignationem fieri posse tantum coram Papa; propter pactionem quæ iure prohibita (per cap. Quædam pio, sub fine, 1. quæst. 2. & cap. Cum pridem, atq; cap. finale, De pactionis) facit simoniam in beneficij, quam volunt positivam: in qua ordinarius collator dispensare non potest, & per consequens nec admittere renunciationem cum ea factam. Potest vero beneficium in manibus suis renunciari, conferre per longæ pro qua renuncians illud resignauerit sine pactione: dummodo, iuxta cap. Tuam in Domino, De etate, & qualitate, non cœferat ex carnali affectu eorum, qui regant: sed propter merita eius pro quo supplicatum est: nam tunc nulla, ne quidem positiva, simonia est argumento cap. Tua nos, De simonia.

Summus Pontifex vero, quamvis dispensare non possit in simonia iure diuino prohibita: potest tamen in simonia positiva, seu iure tantum Ecclesiastico prohibita: atq; adeo admittere pactione beneficiorum, præsertim sub titulo, & nomine amicabilis compositionis: vt in cap. Super eo, De transact. & in cap. Nisi essent, De præbendis. Iam quod sit renuncians, titulum suum, ac dominium retineat donec ille in cuius favo rem facta est renunciatio, beneficium renunciatum acceptaverit, habens apud Rebuffum in praxi beneficiorum 3. partit. De resignatione conditionali n. 15. & 17.

De secunda specie: id m quod de precedentibus dicendum est; nempe talem resignationem fieri posse tantum coram Summo Pontifice, propter simoniam positivam, quæ committitur cœnando beneficium cum pacto percipiēd aliquid de fructibus illius. Id enim aperte aduersari iuri Canonico in citato cap. Nisi essent, & in cap. Non satis, De simonia.

De Tertia dicendum quoq; est; concessione tantum Papæ fieri posse, vt resignatio sit cum regressu, id est, fiat cœlege, vt si contingat resignatarium præmori resignanti, hic possit redire ad beneficium resignatum, sine alia conditione. Namq; talem etiam aduersari iuri Canonico patet eo eo, quod contra canonicas institutiones inducat votum cap. 2. & 3. & 4. & faciat beneficia quodammodo hereditaria.

De

De quarta & ultima specie dicendum est resignationem ex causa permutationis posse fieri coram Ordinario: cui non licet alij, quam compermutantibus conferre beneficia regnata ex cap. vni. o. De rerum permutatione in sexto, & ex Cle. nen. vni, codem titulo. Eademq; resignationi communis est cum antedictis renunciationibus conditionatis: ut si conditio apposita, hoc est, permutation, non impleatur (quia scilicet alter permutantur morituri ante rem perfec-
tam, vel non vult eam perficere, vel non potest ob aliquod impedimentum) neque beneficio renunciatum esse videatur: cum sit commune omnibus actibus conditionalibus, ut neque aliter admitti, vel effectum fortiri, quam si imple-
antur in forma constituta: iuxta cap. Cum dilect., De rescriptis, & legem, Qui heredi, & legem Meius ff. De conditionibus, & demonstr. De simonia que committitur in resignatione beneficiorum tractauimus ex professo in precedentibus libr. 23. c. 18. quæst. 2. & 3. sequenti tertia, de ea que in beneficiorum per-
mutatione: de qua restat dicendum.

C A P. XXIV.

De beneficiorum permutatione.

S V M M A R I V M.

- 342 Iure licita est beneficiorum permutatione, si fiat auctoritas Superioris, & iusta ad causam: & quis si: talis Superior.
 343 Partes possunt de permute: ne tractare tantum sub beneplacito Superioris, ac requirere conensum aliorum, si quorum inter se.
 344 Quia requiratur cum beneficia permutable per tinent ad diuersas dioeceses: & quod beneficia non possint permutari cum alijs spiritualibus.
 345 Pro est beneficium pugne cum tenet i permutteri: & unum cum duobus.
 346 De permutatione beneficiorum inequalium, quid sit tenendum.

DE hac legi possunt D. Anton. 3. parte tit. 15. cap. 3. Angelus in verbo Permutatio, quæst. 3. & aliquot sequentibus. Sylvestris eodem verbo 2. per totum, & Tabien. verbo, Beneficium, 3. q. 14. & sequentibus, Rebiffus in praxi, beneficiorum 3. part. tit. De permutatione, Nicolaus de Milis in verbo, Permutatio, ex recentioribus qui antiquiores citant, Azor in 2. par. Moral. Instit. lib. 7. cap. 29. & 30. ac Suarez De religione, tract. 3. lib. 4. cap. 31. 32. 33. & 34.

Atque licitam esse ure Canonico beneficiorum permutationem, & in manibus Episcopi fieri posse, iam patet ex proxime dictis. De ceteris ad eam pertinentibus, documenta aliquot notanda sunt pro praxi.

Primum est, Permutationem beneficiorum factam sine auctoritate Superioris, simoniacam censeri. Vide Sylvestrum loco cit. quæst. 1. Qui in sequenti 2. docet istum Superiori non esse semper Episcopum respectu suorum inferiorum: quia non nunquam beneficij collatio, & institutio non pertinet ad illum, sed ad alium: ad quem pariter poterit pertinere, permutationi auctoritatem præbere. Cui doctrina aduersatur, quod talis auctoritas habeatur tantum ex priuilegio iuris, quod Episcopo conceditur nominatum in cap. Quæstum, Dicerum permutatione, & in cap. vni, codem tit. in sexto: ita vt in praxi, tenuendo certum, & relinquendo incertum, oporteat recurrere ad Episcopum pro tali permutatione, cuius dignitati prædictam potestate annexam esse dubium non est: & alij vero conuenire aperte negetur non modo à Federico de Senis in tractat. permutationum quæst. 22. (de quo Ludovicus de Milis loc. cit. additione 3.) sed etiam ab autore glossa ad Clem. vnicam, De rerum permute, verbo Conferantur. Aduerte tamen ex Azorio alios citantes in memorato cap. 29. quæst. 4. doctrinam Sylvestri posse habere locum, quoad Prælatorum Episcopo inferiores dignitate, quide confutudine præscripta, aut Sedis Apostolice priuilegio, iurisdictionem habent Episcopalem, nulli Episcopo proxime subiecti, & prædicti potestate conferendi

suis subditis beneficia: & eos instituendi, ac etiam ambo eiusdiem à beneficio, si quanto opus fuerit.

Noni debere vero Superiorum permutationi auctoritatem præbere, nisi ex necessaria causa, bene idem Sylv. addit quæst. 3. per cap. Quæstum, §. finali, De rerum permutatione. Simil ex D. Thoina in 4. dist. 25. quæst. 1. art. 3. ad octauum, admoniens eam necessitatem non esse metiendam modo temporali permutantiū; sed spirituali: p. tā quod in taliboclo poterit quis melius Deo scribite, quam in alio:

Secundum documentum est: non posse quidem partes facere in se conventionem, promissionem, vel pactiōnem, aut conclusionem: posse tamen de permutando tractare, submittendo se dispositioni Superioris; imo & posse concludere non quidem absolute, sed sub expressa conditione, seu facta hac referuotio, si Superior ad quem attinet, voluerit. Hoc in quæst. 5. ex Panorth. t. 8. quibusdam alijs habet Sylvestris, consentiuntque ceteri initio Dominati. Probatur vero quoad priorem partem quia ius permittens beneficiorum permutationem, consequenter permittit ea quæ ad illam faciendam requiruntur: tractatus autem inter partes, ad eam requiritur: sicut & ad alios contractus utrumque onerosos. Quoad posteriorem vero, probatur: quia talis conclusio non est vera conclusio, cum suspendatur usq; ad Superioris consensum.

Tertium documentum est: ad permutationem requiri consensus eorum ad quos pertinet presentatio, vel electio ad beneficia permutable. Ratio est, quia permutatione alioqui non valeret, vt aliquot citatis in memorato tractatu De permutatione num. 21. Rebiffus notat. Addens in hum. 22. ex Federico de Senis, quod si tales requisiti nolint consentire, cogi possint, quia permutatione est utilis Ecclesiæ: De qua re tanquam solita tractari in foro externo: causidicorum est respondere.

Quartum documentum est, Permutations beneficiorum, sive auctoritate Ordinarij, sive Papæ, aut Legati ipsius, non requirere vt permutantes faciant mentionem de alijs beneficijs que obtinent. Hoc ex Federico quæstione 18. habet Nicolaus de Milis loco cit. in fine secundæ additionis.

Quintum documentum est, Quando beneficia in diuersis diecesis existunt, permutationem ducere fieri auctoritate vtriusque Episcopi earundem dieceseon. In quo casu melius esse permutationem fieri vtrōq; Episcopo simul praesente, vel uno compertente alteri suam potestatem: quam ex interculo temporis, id est, quam altero Episcopo auctoritatem suam trahante, post elapsum tempus quo alter suam præstitit, Sylvestris ex Ioanne Andrea habet in quæst. 13. concl. 7.

Sextum documentum est, Posse quæcumque beneficia permutteri: sive conformia sint, vt duas præbendas; sive difformia, vt præbenda, & beneficium curatum. Aduerte autem beneficium manuale posse quidem permutteri: sed posse quoque per Superiorē perinde reuocari ac ante permutationem, prout habet Rebiffus in cit. titul. De permutatione numero 50. Non posse autem beneficia vnta permutari (ideoque in illis propositum documentum exceptionem patitur) docet Rota decis. 160. in Antiquis. Nec item posse beneficia que tenentur tantum ex dispensatione Papæ, vt docet item Rota decisio. 339. in nouis: ponens exemplum de ea quæ sit illegitimo. Ratio vero est, quia talis dispensatio non extendit ad aliud beneficium, neque ad aliam personam.

Itemque nec posse beneficia commendata ad tempus. Nec enim talia cum habitis in titulum permutteri posse, nisi illi qui commendantur fecerit ad id potestatem, docet Panormit. ad cap. Cum olim, Dicerum permutatione num. 3. Ratio illius est: quod in cap. vnicam, in 6. & Clem. vnicam, vtrōq; De rerum permutatione, tantum concedatur Clericis beneficia sua permutare. At si commēdatum est ad tempus beneficium, non potest dicere illud suum. Addit in sequenti nu. 4. nec habentes expectatiuas à Papa, posse inter se iura sua permuttere: quia talia non sunt beneficia: & Canones permittunt tantum beneficia permutteri. Idem eodem arguento iudicandum est cum Nauarro in Enchir. cap. 23. nu. 100. versu 3. de ceteris habentibus tantum ins ad beneficium: vt de no-

343.

344.